

სხაჩი უმკაცარი

ნოემბერი 2010 №65
ფასი 5 ლარი

ისტორიები

ელისო ვირსალაძე

რატი ამაღლოშვილი

ზურა ლეჟავა

შოთა გაბარინი

ფეისბუქის სახე

ხოსე ანტონიო ვარგასი

ახალი

ბაიროითის დღიური
ლაშა ბუღაძე

სოლიდარობის პოლონეზი
ლევან ბერძენიშვილი

ლიტერატურა

ნიკნაზი თბილისში

ISSN 1512-2220



9 771512 222006

LOT



მელანო სოსაძე

საქსკროეტი

ყოველთვის ერთი პრობლემა მაქვს –
კედელოგი ჩემი ნამუშევრის განხილვას
ინფიხს და ამთავრებს მხოლოდ ფორმის კრიტიკით.
არადა, ვფიქრობ, ხელოვნების მთავარი მიზანია,
კითხვები წამოჭრას
სოციალურ პრობლემებზე და ღირებულებების
გადაფასებას შეეცადოს.

ჩემი აზრით, ერთ-ერთი ძირითადი პრობლემა, რაც გან-
ვითარებად ქვეყნებს აქვთ, არის შეზღუდული მიმოსვლა
და გარე სამყაროსთან კომუნიკაციის ნაკლებობა.

რაც დასავლეთში ჩამოვედი, მოლოდინისა და შეზღუდუ-
ლების გადაფასება ხშირად მიხდება – ის რეალობა, რომე-
ლიც აქ დამხვდა, განსხვავებული აღმოჩნდა ჩემი წარმო-
დგენებისგან. თუმცა, მთავარი ფასეულობები იგივე დარჩა.


ინფორმაციულ წყაროებში ჩვენ ევროპის იდეალურ,
ილუზორულ სახეს გვიხატავენ. სინამდვილეში კი, საკი-
თხის ფუნდამენტურ პრობლემებზე ღიად საუბრისას
ხვდები, რომ „ევროპა“ ნელ-ნელა ხიბლს კარგავს. გან-
ვითარებული დასავლეთი, ჩემი აზრით, ზედაპირულად
მონესრიგებული, გამართული სისტემის შთაბეჭდილე-
ბას ტოვებს, სადაც ადამიანის
უფლებები თითქოს დაცულია,
სადაც თითქოს ყველა თანა-
ბარუფლებიანია და ყველას
აქვს სიტყვის თავისუფლება,
მაგრამ ეს, უბრალოდ, მო-
ჩვენებითია. სოციალური ისევე
კლასებად არის დაყოფილი
და თავის გადარჩენას ყველა
სხვისი უკან დაწევით ცდილო-
ბს.

ამიტომ, არ მინდა განვითა-
რების გზაზე მდგომი საქარ-
თველო იმ სისტემის უბრალო
ასლი გახდეს.

მიუხედავად იმისა, რომ
LOTT-ს ერთობლივი პროექტე-
ბი არ აქვს, ურთიერთობა და
დისკუსიები არასდროს შე-
გვიწყვეტია. გვინდა, ისევე ერ-
თად ვიმუშაოთ. მოსალოდნე-
ლია სხვა, ახალ არტისტებთან
თანამშრომლობაც.

რაც შეეხება აქაურ სასწა-
ვლებს, გაგიკვირდებათ
თუ გეტყვით, რომ მრავალი

პრობლემა შენევის სასწავლებელში თბილისის მაგონებს.
თუმცა, ამ ორ უმაღლეს სასწავლებელში შესაძლებლო-
ბებისა და პირობების შედარება შეუძლებელია. შენევაში,
რაც მთავარია, ძალიან ადვილია კონტაქტის დამყარება
სხვადასხვა ხელოვანთან თუ კრიტიკოსთან. შენევაშიც
და თბილისშიც ყოველთვის ერთი პრობლემა მაქვს – პე-
დაგოგი ჩემი ნამუშევრის განხილვას იწყებს და ამთავრე-
ბს მხოლოდ ფორმის კრიტიკით. არადა, ვფიქრობ, ხელო-
ვნების მთავარი მიზანია, კითხვები წამოჭრას სოციალურ
პრობლემებზე და ღირებულებების გადაფასებას შეეცა-
დოს. ამაზე აქ, ისევე როგორც თბილისში, მსჯელობა
იშვიათად ხდება. ძირითადად სწავლება ფორმალურ ანა-
ლიზზეა დამყარებული, რაც უმთავრესად არტ-ბაზრის



მოთხოვნებს შეესაბამება. ხე-
ლოვნების მყიდველი მდიდარი
ადამიანია, რომელსაც არანაი-
რად არ სჭირდება კრიტიკუ-
ლი ნამუშევარი იმ სისტემაზე,
რომელსაც თავად არის კარ-
გად მორგებული. განსხვავე-
ბულ არტისტს კი, რომელიც
კრიტიკულ დამოკიდებულებას
იჩენს, მარკეტი არ ცნობს.

სამხატვრო აკადემიის სტუ-
დენტებს ვურჩევდი, ბრმად
არ დაუჯერონ აკადემიის პე-
დაგოგებს და ეცადონ, სხვა-
დასხვა წყაროებიდან მოიპო-
ვონ ინფორმაცია. დაივიწყონ
მხოლოდ ფორმაზე ზრუნვა
და იფიქრონ იმაზე, თუ რისი
თქმა უნდათ თავიანთი ნამუ-
შევრით, რა არის მათი პო-
ზიცია. კარგია, თუ იმაზე,
რაც აკადემიაში არ მოსწონთ,
ღიად ისაუბრებენ და ყოველ-
თვის ეცდებიან, იდეების გარ-
შემო გაერთიანდნენ.